



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 41. Ce cæde Prophetarum.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO XLI.
DE CAEDE PROPHE-
TARVM.

PVNCTA MEDITATIONIS.

- Matt. 23* I. Dixit Iesus turbis & principibus Sa-
cerdotū Ecce mitto ad vos Prophetas,
sapientes, &c. ex illis occidetur.
II. Hierusalem, Hierusalem, quoties
volui congregare filios tuos, quemad-
modum gallina congregat pullos?
&c.
III. Relinquetur domus vestra deserta.

DOCUMENTA.

I. **E**cce mitto Mira Christi bonitas, qui
cum tanto tempore, Iudæis, tunc ob-
stinatis concionatus esset, sine ullo, aut
valdè paruo, cum fructu (apud Principes ac
præcipuos Iudæorum, à quibus erat occiden-
dus) tamen adhuc spondet se missurum Pro-
phetas & scribas, id est, Apostolos & concio-
natores, s. scripturæ interpretes, qui illis no-
uam legem explicent, & Christi doctrinam
per Iudæam proponant. Id ipsum præstat etiã-
nam Ecclesiæ suæ, quam nunquam deserit
procurando varios Ecclesiasticos, religiosos
pios ac doctos, qui legem euangelicam inter
Catholicos, hæreticos, infideles, &c. propo-
nant, magno labore, &c. propter Deum: vt
Apo-

MEDITATIONVM. 547

Apostoli, alijq; viri pij ac docti Apostolorum tempore fecerunt.

2. *Et ex illis occidetur.* Magis & hoc mirandum quomodo DEVS permiserit ferè omnes Apostolos & primos fidei Christiana præcones ac propagatores immo & vnigenitum filium suum occidi, ac tantis pœnis cruciati- busq; affici: Nimirum sapientissimus ille DEVS (qui potuit impedire) maluit hæc mala permittere, vt plurima inde bona eliceret: quia *diligentibus Deum omnia coope- rantur in bonum*, Roman. 8. Nam ex Pas- sione CHRISTI secuta est SALVS MVN- DI; ex morte Sanctorum, conuersio plurimo- rum aliorum, meritum ipsorum, edificatio posterorum, multitudo miraculorum v.c. ex Oratione S. Stephani (teste S. Aug.) secuta est S. Pauli conuersio. Similia hodieq; eueniunt ad Dei gloriam, & aliorum salutem in India, Iaponia, China, Brasilia, Mexico, Abassia &c.

3. *Hierusalem, Hierusalem, quoties vo- luit congregare filios?* &c. En tenerrimum CHRISTI amorem erga hostes suos capi- tales: non ignorabat Iudæos, qui Hierosoly- mis habitabant, sibi mortem machinari (quam non ita multo post, ei intulerunt) tamen eos ita amabat, vt filios suos appellaret, & tanquã pater benignissimus eos suscipere paratus es- set: sicut iam peccatoribus contingit, qui il- lum (quantum in se est) rursus crucifigere parant. Hebr. 10. 6. Talem amorem o- stendere debet superior, pastor &c. in subdi- tos.

4. *Quemadmodum gallina &c.* Sicut gal- lina clamore & rostro, pullos suos defendit, et iam cum vitæ periculo, fame se conficit, vt eos alat; protegit contra æstum, frigus, pluuias, sese,

fese pro illis exponens, ita & Christus pro suis electis fecit, & superiores præstare debent sibi subditis, monendo, caueant à laqueis Diaboli, sub alis caritatis & disciplinae continendo, donec proficiant &c.

5. *Relinquetur domus vestra deserta* De templo Hierosolymitano, toto orbe tunc celeberrimo intelligit; quod post Christi passionem omnino relictum ac euerlum est. Nam paulo ante Urbis euerfionem audita sunt, teste Iosepho, voces dicentium: *Migremus hinc*. Idem euenit animæ peccatrici, quam DEVS & Angeli derelinquunt.



MEDITATIO XLII.
DE SAMARITANO ET
LEVITA.

PVNCTA MEDITATIONIS.

- Luc. 10* I. Christo dicente discipulis: *Beati, qui vident, quæ videtis: quidam Legis-Doctor* quarit: quod sit maximam mandatum? Resp. diliges Dominum Deum tuum ex toto corde &c. & proximum tuum, sicut teipsum.
- II. Hoc instāte; quisnam esset proximus? Resp. qui facit misericordiam erga miseros; quod probat adhibita parabola.
- III. Cuidā à latrombus in via vulnerato, Sacerdos & Levita transiens opem non tulit, at Samaritanus oleum ac vinum infundens vulneribus, duxit in stabulum eumque stabulario comendauit.